

## Agder Historielag

Postboks 136  
4662 Kristiansand S  
bankgiro 3000.20.36165  
[kontakt@agderhistorielag.no](mailto:kontakt@agderhistorielag.no)  
[www.agderhistorielag.no](http://www.agderhistorielag.no)  
Tlf. 97 06 44 85



# ÅRSMELDING 2011

*Tillitsvalde i 2011-2012 har vore:*

### **Styremedlemer:**

Beint Foss, Tveit Historielag, leiar  
Eilert Skjævestad, Tromøy Historielag, nestleiar  
Ragnhild Skarsten Larsen, Flekkefjord Historielag, styremedlem  
Inge Augland, Torridal Historielag, styremedlem  
Liv Kirsten Rølland, Venesla Historielag, styremedlem  
Kristian Sundtoft, Vestre Moland og Lillesand Historielag, styremedlem  
Birgit Attestog, Setesdal, styremedlem  
Gunnar Thorstensen, Tromøy Historielag, styremedlem

### **Varamedlemer (personlege):**

Helge Wiig, Mandal  
Knut Engelskjøn, Kongshavn  
Kari M. Bruli, Kvinesdal  
Bjug Åkre, Kristiansand  
Gerd Lillian Olsen, Mandal  
Anders Auen Grimnes, Lillesand  
John Seldal, Bjorbekk  
Sveinung Lien, Tvedestrand

### **Valkomitéen:**

Ellinor Lundberg, Arendal  
Bernt Gautestad, Evje  
Kjell Ove Sætren, Mandal  
Kari Mestad, Torridal

### **Revisor:**

Ettersynet av rekneskapen er gjort av  
fylkesrevisjonen i Vest-Agder

### **Skrivar:**

Borghild Løver, Lindesnes

## *Verksemda i laget:*

### **Styret**

Det har vore 3 styremøte og 37 saker til handsaming i 2011. I tillegg har leiaren og skrivaren hatt møte.

### **Skrivar**

Borghild Løver har vore skrivar tilsvarande 20% stilling.

### **Kontorlokale og arkiv**

Lagskontoret har i 2011 vore i tredje høgda i Mållagsbygget midt i Kristiansand sentrum i fyrste halvdel av året, og så vart kontoret flytta til Bentsens hus. Medlemene i historielaget har alltid kunna nå skrivaren per telefon dag som kveld og tinge bøker. Hovudlageret av bøker og årsskrift har vore på Statsarkivet i Kristiansand, dvs. på Gimlekollen.

### **Årsmøtet 2011**

Årsmøtet vart halde på Revsnes hotell laurdag 2. april 2011. Det var møtt fram over 40 direktmedlemer og lokallagsrepresentantar. Kjell-Olav Masdalen heldt eit engasjerande føredrag om 2. verdskrigen. Gard Nergaard framførte tradisjonsrike feleslåttar.

### **Viktig endring i organisasjonsmodellen som vart gjort på årsmøtet**

- Agder Historielag avviklar direktmedlemskapen.
- Berre historielag kan vere medlemer og delta på årsmøtet.
- Dei som er direkte medlemer går over til å vere abonnentar (på årboka og EGDE).

### **Medlemsutvikling**

Agder Historielag hadde 830 medlemer den 31.12.2011. 38 av desse var lokallag.

### **Årsskriftet 2011**

Årsskrift nr. 87 vart sendt ut like etter jul og var på vel 200 sider. Årsskriftet vart trykt i 1500 eksemplar. Tema denne gongen var mellom anna arkeologi, krigshistorie, vegvesenet, Palestina-Israel-problematikk og runesteinar. I redaksjonskomitéen sat Johnny Haugen, Leonhard Jansen, Marie T. Sørensen og Borghild Løver.

### **Egde**

Medlemsbladet EGDE kom ut med to nummer i 2011. Redaksjonen for dette bladet var Borghild Løver. Bladet vart trykt i 1100 eksemplar og sendt ut til alle medlemene.

### **Internettside**

Internettsida til Agder Historielag har vorte fullstendig oppdatert i 2011 ved hjelp av eit godt samarbeid mellom Tormod Engebu og skrivaren. Sjå [www.agderhistorielag.no](http://www.agderhistorielag.no).

### **Agders Historie**

Det er kome ut fire band av Agdersoga:

- 1920-1945 (Kjell Olav Masdalen, 1991, 2000 eks.)
- 1840-1920 (Bjørn Slettan, 1998, 2000 eks.)
- 800-1350 (Torbjørn Låg, 1999, 2000 eks.)
- 1641-1723 (Ingeborg Fløystad, 2007, 2500 eks.)

Det femte bandet (1350-1640), som Stein Tveite skriv på, kjem vonleg i 2013.

I komitéen for Agdersoga sit Stein Tveite, Bjørn Slettan, Gustav Sætra, Berit Eide Johnsen og Rune Holbek. Anne Tone Aanby er biletredaktør. Dag Hundstad er engasjert til å skrive bandet frå 1945 til i dag når finansieringa er i orden.



### **Annan aktivitet/samarbeid**

Agder Historielag var til stades på Agderseminaret på UiA i Arendal 14. og 15. okt. I tillegg er historielaget sterkt medverkande til realiseringa av ei eiga brukargruppe av Bentsens hus (Kronprinsens gt. 59) og har hatt nokre møte saman med kommunen og dei interesserte i året som har gått.

Turnemnda skipa til ein fantastisk tur til Buskerud 1.-4. september, som vart ein stor suksess med over 30 deltakarar.

Det har òg vore utruleg bra samarbeid med lokallaget Landvik Historielag i høve tilskipinga av temamøtet 25. sept. 2011.

### **Økonomi**

Abonnementet for 2011 var på 250,- kr. Vest-Agder Fylkeskommune gav eit driftstilskot på 115.000 kr., i tillegg til eit tilskot til Agdersoga på 50.000 kr. Frå Aust-Agder Fylkeskommune kom det 60.000 kr i driftstilskot og 50.000 kr. til Agdersoga. Rekneskapen viser eit greitt overskot i 2011, dette skuldast at ikkje alle prosjekta vart fullført, til dømes boka om Axel Krogh som Johnny Haugen skal skrive.

På lager har me ståande ei mengd bøker som sjølv sagt utgjer ein stor verdi, men som ikkje er synt i jamvektrekneskapen. Dette vert talde ved flytting av lageret. For fleire detaljar, sjå rekneskapsoversyn og revisjonsmelding.

### **Ymse representasjon**

5. april -11: Møte i BBH (Brukargruppa for Bentsens hus) på kulturkontoret: Beint og Borghild møtte.

12. – 14. aug. -11: Agder Historielag delte stand (og utgifter) med Mållaga på Agder under marknaden Naturligvis på Evjemoen: Borghild dreiv med abonnentverving for AH her.

11. sept. -11: Opning av Bentsens hus, Kr.sand: Beint, Borghild og Inge var til stades.

6. okt. -11: Møte i BBH på Bentsens hus: Beint og Borghild.

27.-29. mai: Gunnar og Johnny reiste på landsmøtet til LLH på Jessheim, Ringerike.


### **Oppsummering**

Historielaget har halde ein høg aktivitet òg i 2011. Representantar frå styret har vore til stades på jubileumsfesten til Arendal Historielag og på vitjing til andre historielag. Leiaren for Agder Historielag vart òg valt til leiar for LLH i 2011. I tillegg har me hatt fleire viktige samarbeidspartnarar som me ynskjer å rette ein særskild takk og helsing til: Kristiansand kommune, Posebymarknaden, Christianssands Byselskab, Fortidsminneforeningen og Thaulows hus, i tillegg til Aust-Agder Kulturhistoriske Senter, Statsarkivet og ikkje minst Vest-Agder og Aust-Agder fylkeskommune.

Kristiansand, februar 2012



Beint Foss, leiar




Eilert Skjævestad, nestleiar



Ragnhild Skarsten Larsen



Inge Augland



Kristian Sundtoft



Liv Kirsten Rølland



Birgit Attestog



Gunnar Thorstensen